

## КИНИЛЭР ААТТАРЫН ҮЙЭТИТИЭХХЭ

Улуу Октябрьскай революция 70 сыла туолар үөрүүлээх үбүлүөйүн үөрэн-көтөн үрдүк политическай таһымна бэлиэтээтибит. Оройуон бары үлэһит дьоно бу кэрэ бырааһынньыгы үлэбэ үрдүк ситиһиилэринэн үөртүлэр. Быйыл хаһааннытааһар да элбэхтик оскуолаларга, тэрилтэлэргэ, нэһилиэктэргэ сэбиэскэй былааһы олохтоһун иһин хааннарын тохпут, актыбынай кыттыыны ылан илиилэригэр саа тутан олохтоспут, чэхчы сэбиэскэй былааска бэриниилээхтик үлэлээбит элбэх хорсун дьоннорбут тустарынан лекциялар, бэсиэдэлэр оноһулуннулар, оройуон, республика хаһыаттарыгар сырдатылыннылар. 1967 сыллаахха Октябрьскай революция 50 сылын туолуутугар Степан Трапезников, Файзуллин, Минияров, Георгий Попов ааттара үйэтитиллэн Нам селотун уулуссалара ааттаммыттара.

И.Е. Винокуров, Г.И. Попов курдук эмиэ М.К. Аммосов сабыдыалынан революционнай суолга эрэллээхтик үктэммит, илиилэригэр саа тутан сэбиэскэй былааһы тус бэйэлэринэн олохтоспут, кэлин эппиэттээх сэбиэскэй, партийнай, хаһаайыстыбаннай үлэлэргэ энкилэ суох үтүө суобастаахтык үлэлээн, олорон ааспыт сорох табаарыстарбыт ааттарын үйэтитэн Нам селотун сана үөскээбит уонна иккилии хос ааттаах уулуссаларга инэртиир наада буолсу диэн бэйэм санаабын этэбин.

Ол курдук: Эверстов Гаврил Иванович, 1887 с. кулунтутар 8 к. Нам улуунун I Үөдэй нэһилиэгэр төрөөбүгэ (быйыл эмиэ 90 сааһын туолбут). Учуутал үөрэхтээх, коммунист. Нам кыһыл партизаннарын этэрээтин командира, Саха сиригэр сэбиэскэй былааһы олохтуур иһин сэрии кыттыылааһа. Гражданскай сэрии кэнниттэн Дьокуускайдаагы губчека председателин солбуйааччы, 1926-27 сылларга БСК(б)П Бүлүү уокуругунаагы комитетын секретара. Кэлин БСК(б)П Саха уобаластаагы комитетын тэрийэр инструкторскай отделын сэбиэдиссэинэн, Саха АССР үөрэҕин народнай комиссарын солбуйааччынан үлэлээбитэ. Онтон 40-ча сыл устата учууталлаан эдэр көлүөнэни иигиигэ элбэх сыратын биэрбитэ.



Нам селотун арҕаа өттүгэр «Сельскэй» диэн ааттаах икки уулусса баар. Мин кини аатын «Чабылҕан» маһаһынын утарытынан хоту түһэр уулуссаҕа инэрэргэ этии киллэрэбин.

Колмогоров Иван Николаевич, 1893 с. тохсунньуга Нам улуухугар Хатын Ары нэһилиэгэр төрөөбүт. 1921 с. Нам ыйыттан БСК(б)П чилиэнэ, орто үөрэхтээх, сулууспалаах. 1920-21 сс. Нам улуустаабы ревкомун чилиэнэ, Нам кыһыл партизаннарын этэрээтин буйуна. Саха сиригэр, Казахстанта сэбиэскэй былааһы олохтоохунна элбэх кыргыһыларга сылдыбыт аатырбыт кавалерист. Кэлин Саха сиригэр араас оройуоннарга улахан эппиэттээх үлэлэргэ, ол иһигэр Намга МТС политотделын начальнигынан 1933-35 сс. үлэлээбитэ. Партия Саха уобаластаабы комитетын чилиэнинэн хас да төгүл быыбардаммыта.

Кини аатын Нам селотугар райпо утарытынан, КСМК детсадын иккилии этээстээх дьиэлэр икки ардыларынан тахсар переулокка биэрэр хайдах буолуой?

Решетников Иван Федорович, 1887 с. Нам улуухугар Куһаҕан Ыал нэһилиэгэр төрөөбүт. 1921 с. БСК(б)П чилиэнэ, Нам улууһунаады ревком чилиэнэ, Намнаабы кыһыл партизаннар этэрээттэрин штабтарын чилиэнэ, бастакы милиционер. Саха сиригэр сэбиэскэй былаас олохтонуутун туһугар араас сирдэргэ улахан кыргыһыларга кыттыбыта. Гражданскай сэрии кэнниттэн төрөөбүт оройуонугар уонна да атын сирдэргэ сэбиэскэй, партийнай, хаһаайыстыбаннай үлэлэргэ, ол иһигэр Дьокуускай уокуруктаабы милиция начальнигынан, Нам МТС-н директорынан үлэлээбитэ.



Бу коммунистический партия, сэбиэскэй былаас эрэллээх уонна бэриниилээх саллааттара этилэр. Онон кинилэр ааттарын үйэтитэр уолдьаста. Кыаллар буоллабына бу сыл иһинэн сельскай сэбиэт уонна райсовет быһаарыахтарын наада.

Ити курдук оройуон нэһилиэктэрдээби сэбиэттэрэ бэйэлэрин нэһилиэктэригэр биллэр, сэбиэскэй былааска үтүөлээх, кэлин сылларга озорбут, үлэлээбит кэмнэригэр тугунан да бэйэлэрин киртиппэтэх кыһыл партизаннар ааттарын уулуссаларга, комсомольский, пионерский тэрилтэлэргэ, үлэ коллективтарыгар ингэртээн үйэтитэн кэнэбэс ыччаты патриотический уонна интернациональной тыынна иитиигэ туһаны эрэ онгоруохтарын сөп.